



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Exetasis Testimoniorvm, Qvae Martinus Bucerus ex
Sanctis Patribus, non sanctè edidit**

Gardiner, Stephen

Lovanii, 1554


Typographvs Candido Lectori.

urn:nbn:de:hbz:466:1-29410

TYPOGRAPHVS

CANDIDO LECTORI.



 *V*im ad me per Thomam Theoboldum virum præclarū & magnæ autoritatis ante annos propemodum sex Reuerendissimi Præfule Vintonien. vir & in re Theologica & linguarū peritia facile principis liber delatus esset, cui titulum $\delta\zeta\epsilon\tau\alpha\sigma\iota\upsilon$ fecit, eo mandato, vt ad Martinū Bucerū primo quoq; tempore Argentoratū transmitteret, quo ipse ex autographo cognosceret, quid illi à Præsule inuictissimo sub ictū, vt tū videbatur, extremæ fortunæ rescriberetur: simulque intelligeret captatas sibi temporis occasiones nihil quo minus condignū responsū acciperet profuisse: Opus enim istud per ea tempora à D. Vintonien. compositum est, cum certus de carcere ob constantiam defensionis fidei, non nisi extrema in animo volueret, nec tamen respondendi voluntatem vllius periculi metu relaxaret: Imò qui eo ipso videretur mortem sibi accelerare: Nihil enim odiosius tyrannis in ipsum seuientibus facere poterat. Ceterum bonorum virorum consilium fuit, vt opus istud (ne auctorem grauaret, quem iam in carcere audiebant) vsque ad quietiora tempora supprimeretur. Quanquā ille securus sui & martyrij cupidus nō desineret in vinculis eruditissima quidē volumina, sed perinde tyrannis odiosa

conscribere. Inter quæ sunt libri duo de Eucharistia, quos iudicibus pro tribunali in reatu capitis exhibuit. Sed tamen non potuere boni viri non pro eius salute anxij esse, qui pro se omnino omnem curam abiecerat, librumque omnino tum temporis aditum volebat. Quod igitur nunc demum liber exit, nostra culpa est, vel potius amicorum cautela. Defloruit quidem gratia temporis, quod in ipso agone, & (vt hic dicam) inter vulnera monomachiae non sit aditus. Tunc enim quasi cygnea cantio potuit videri, quæ vltima vox disertissimi Episcopi in ista desinere putabatur. Sed tamen vsus libri idem est. Cognoscet enim æquus lector quoties Bucerus in sensu literarum impingat, quoties vim sententiæ, quoties fraudes apparet. Simulque mirabitur eruditissimi Episcopi in tantis periculis ocium animi, quod quum causa capitis ei meditanda esset, ad extranea studia, eius periculum aggravantia, mentem applicare potuerit.

Vale Louanij. Postridie Nonas Aprilis. Anno à Christo nato M. D. LIII.